



四川通志卷二十四

輿地志 二十三

城池 一

稽之大易重門擊柝以禦暴客蓋取諸豫禮運有
云城郭溝池以爲固蓋城者盛也所以盛人民也
管子謂城大而田野淺狹者其野不足以養其民
城大而人民寡者其民不足以守其城有國者爲
長治久安之計必有深溝高壘永奠金湯焉蜀城
肇自張儀規制宏壯漢唐以來莅茲土者修繕疏

四入通志 卷二十四
浚恢大其基雉堞崔巍鹿隍深邃屹然坤維之保障也至郡邑城池雖廣狹不同要皆依山馮水鎖鑰維嚴啟閉以時詰奸禁暴之法至詳且備詩曰公侯干城傳曰衆志成城

聖朝撫有方夏薄海歸心懷德爲城被澤爲池有不恃巖險以爲固者然仰崇墉而臨峻壑苞桑磐石之安亦可覘其大概矣志城池

成都府

成都縣

附郭

華陽縣

附郭

成都府爲省會大城秦惠王二十七年張儀築大城周十二里隋時蜀王秀附舊城西南二隅增築少城廣十里唐僖宗時高駢築羅城周二十五里高二丈六尺外繞高隄二十六里其後程戡盧法原王剛中范成大先後修葺明趙清登以磚石陳懷復浚池隍崇禎末圯

國朝康熙初巡撫張德地布政使卽廷相按察使李翀霄知府冀應熊成都縣知縣張行華陽縣知縣張

暄共捐貲重修高三丈厚一丈八尺周二十二里
三分計四千一十四丈垛口五千五百三十八東
西相距九里三分南北相距七里七分敵樓四堆
房十一門四東迎暉南江橋西清遠北大安外環
以池雍正五年巡撫憲德增修乾隆四十八年總
督福康安奏請發帑銀六十萬徹底重修樓堞屹
然金湯永固

按漢武帝元昇二年立成都郭十八門其西北爲
咸陽門今僅四門不知何時閉之也西門有樓制
極宏麗任豫謂張儀舊蹟至晉時猶存因名張儀
樓詳見古蹟志

滿城

在府城西康熙五十七年建築城垣周四里五分
計八百一十一丈七尺三寸高一丈三尺八寸門
五大東門小東門北門南門大城西門城樓四共
一十二間每旗官街一條披甲兵丁小衙衙三條
八旗官街共八條兵丁衙衙共三十三條

〔按〕李元蜀水經云城有少城大城少城亦名子城
今滿城也大城亦名龜城今漢城也名勝記曰初
張儀張若築成都城屢壞不能立忽有大龜出於
江周行旋走巫言依龜行處築之城乃得立所掘
處成大池龜伏其中故曰龜城周迴十二里高七
丈秦張儀又於大城之西墉別築子城蜀都賦所

謂亞以少城接乎其西也王右軍法帖曰往在都
見諸葛禹會問蜀事云成都城屋樓觀皆是秦時
司馬錯所修令人遠想慨然具示爲廣異聞李石
詩序曰張儀司馬錯所築大城自秦惠王乙巳歲
至宋紹興壬午一千四百八十七年雖頽圯所存
如斷壁峭立亦奇觀也范成大詩注曰少城張儀
所築子城也土甚堅橫木皆朽有穿眼土相著不
解然則秦城至宋猶存矣隋蜀王秀附張儀舊城
增築西南二隅通廣十里亦曰少城唐乾符六年
高駢於子城外增築周二十五里曰羅城亦曰太
元城後唐天成二年孟知祥於羅城外增築周四
十餘里曰羊馬城今城周二十二里非其故矣後
蜀孟昶僭擬宮苑城上盡種芙蓉曰芙蓉城又曰
錦城益州記錦城在益州南笮橋東流江南岸昔
蜀時故錦官處也號錦里城墉猶在元和志錦城
在縣南十里

雙流縣

唐宋元俱土城明正德閒知縣王瓛因舊址增修周二里七分計四百八十六丈高七尺有奇萬歷二十二年知縣杜方偉改砌磚城東西濶五十丈高一丈五尺門四廣都保民雙江好義萬歷三十八年知縣楊文林改北門於西北隅曰開元因掘得開元錢故名外環以濠明末圯

國朝康熙六年并入新津磚石堙失乾隆三年知縣黃鶚修葺先建四城樓三十一年知縣徐曰明重建拓舊址周三里二分計五百七十二丈高一丈三

尺城樓四叢桂淳化順成安福外環以濠

溫江縣

舊有土城明成化間知縣李樂砌石城高一丈五尺周三里六分計六百六十一丈門五昭化阜成廣安永寧進賢正德中知縣段善鑿池深八尺寬一丈崇禎十一年知縣施之炳於城之東南西北各置譙樓一明末圯

國朝康熙五十四年知縣魯應才修建城樓乾隆三十一年知縣海柱改修磚城計七百三十七丈六尺

七寸周四里一分門五和寧贊元文明慶豐拱辰
嘉慶四年知縣呂仕祺補修城洞十一年知縣李
紹祖重修完固

新繁縣

舊無城明正德間知縣周鸞始築土城高一丈五
尺周六里七分計一千二百零六丈門四池濶一
丈深五尺嘉靖中知縣劉體仁改砌以甃

國朝康熙五十七年知縣劉廷錫重修門四春暉陽亭
秋登純德乾隆四十四年知縣高上桂重修更門

名曰景陽永新濯錦懷清

金堂縣

舊有土城明成化中知縣王賓砌石城高一丈七尺周五里三分計九百五十四丈門四康遠長寧義安永靖外環以濠明末圯

國朝康熙初年知縣董煜重修乾隆四年知縣田多稼增修門樓三十一年知縣曹焜海柱李篤生等更修三十四年工竣門四改門名朝陽慶澤長寧迎

恩

新都縣

舊有土城明正德初知縣張寬百戶湯聘萃合砌
石城高一丈八尺周九里三分計一千六百七十
四丈城樓四門四瞻雲嚮明挹錦輝光外環以濠
後知縣韓奕以南門臨河增置月城

國朝乾隆三十年知縣曹焜補葺城垣嘉慶十六年知
縣宮鑑桂重修城樓

鄆門縣

明天順間知縣唐節築土城成化初知縣錢淵增

修高一丈五尺周八里三分計一千四百九十四丈門四各置樓正德閒知縣李時暢重修

國朝乾隆十一年知縣李馨重修三十年知縣沈芝改建磚城周四里二分五釐計七百二十一丈高一丈三尺建城樓四門四仁術文明德義清遠嘉慶二年知縣繆光黻補修三年知縣朱振源開濬城濠十二年知縣陸光宗補修城垣

崇寧縣

舊有土城明正德閒經歷李炎增牆浚濠城高一

丈一尺周三里三分計五百九十四丈

國朝乾隆三十年知縣陳新槐改修磚城高一丈六尺
九寸周四里八分八釐計八百七十九丈城樓四
門五朝陽南薰觀聖西成拱極

灌

舊無城明洪武中築土爲牆宏治中知縣胡光包
砌以石高一丈六尺周八里計一千四百四十丈
樓四省耕閱清懷遠拱極門四宣化導江宣威鎮

安

國朝康熙五年知縣馬機補修乾隆二十八年知縣嘉慶重修縮減舊址周六里九釐計一千零九十六丈四尺五寸

彭縣

舊無城明天順閒知縣侯福始築土城高一丈五寸周四里四分計七百九十二丈門四朝京鎮遠文化武威成化初知縣李能重修浚濠築隄繞城國朝乾隆三十一年知縣沈鵬恢廓舊址改築磚城高一丈八尺周五里六分計一千零十二丈門五朝

陽阜財涵江拱極延秀外環以濠閉小北門後知
縣謝生晉徙南門於正南之東偏仍開小北門嘉
慶二年署知縣馬維嶽徐紱先後補修四年知縣
楊爲龍壘土爲外城建外城樓名靖遠嘉慶十八
年知縣王鍾鈞重加修築

簡州

舊有土城明成化閒知州張翔砌石城正德中知
州王良增修高一丈八尺周四里三分計七百七

十四丈門四

國朝康熙四年知州王孫盛補修乾隆三十一年至三十五年知州楊潮觀宋思仁褚端北先後捐修城垣悉贅以石建譙樓四門四寅賓來薰阜成拱極崇慶州

舊無城明成化中知州周尙文始築土城高一丈五尺周九里三分計一千六百七十四丈上覆瓦門四

國朝康熙六年知州藺開禧重葺五十六年知州祁鑑重修四門城樓乾隆三十五年知州潘成棟改修